

39.

Na osnovu člana 16. stav (2) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 34. stav (2) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24) na prijedlog Ministarstva za boračka pitanja, Vlada Zeničko-dobojskog kantona, na 3. vanrednoj sjednici, održanoj dana 31.12.2024. godine, d o n o s i

O D L U K U

o finansiranju rada kantonalnih udruženja branilaca i članova njihovih porodica

Član 1.

(Predmet Odluke)

Ovom Odlukom utvrđuju se uslovi, način i postupak finansiranja rada i aktivnosti udruženja branilaca i članova njihovih porodica od posebnog društvenog interesa, organizovanih na nivou Zeničko-dobojskog kantona (u daljnjem tekstu: Kanton).

Član 2.

(Udruženja od posebnog društvenog interesa)

Kantonalna udruženja pripadnika branilačke populacije od posebnog društvenog interesa su:

- a) Savez dobitnika najvećih ratnih priznanja Zeničko-dobojskog kantona,
- b) Udruga nositelja ratnih odličja HVO Zeničko-dobojskog kantona iz Žepča,
- c) Udruženje građana Ratnih vojnih invalida paraplegičara u Zeničko-dobojskom kantonu,
- d) Savez ratnih vojnih invalida Zeničko-dobojskog kantona,
- e) Zajednica udruga hrvatskih vojnih invalida domovinskog rata HVO-HB Zeničko-dobojskog kantona iz Žepča,
- f) Organizacija porodica šehida i poginulih boraca Zeničko-dobojskog kantona,
- g) Zajednica udruga obitelji poginulih i nestalih hrvatskih branitelja Domovinskog rata Zeničko-dobojskog kantona,
- h) Udruženje građana 100% ratnih vojnih invalida prve kategorije slijepih boraca i boraca sa teškim oštećenjem vida,

- i) Udruženje građana Jedinствena organizacija boraca Bosne i Hercegovine "Unija veterana" Zeničko-dobojskog kantona,
- j) Savez demobilisanih boraca odbrambeno oslobodilačkog rata 1992-1995 Zeničko-dobojskog kantona,
- k) Savez udruženja antifašista i boraca narodno-oslobodilačkog rata u Zeničko-dobojskom kantonu i
- l) Savez udruga dragovoljaca i veterana domovinskog rata HVO-a Zeničko-dobojskog kantona.

Član 3.

(Utvrđivanje visine i raspodjele sredstava)

- (1) Visina sredstava za realizaciju ove Odluke i raspodjela istih, utvrđuju se Programom utroška sredstava Ministarstva, koji se donosi za svaku budžetsku godinu.
- (2) Opći i posebni uslovi na osnovu kojih se vrši dodjela sredstava, način odabira, praćenje provođenja i evaluacija rezultata utroška sredstava propisat će se pravilnikom koji donosi ministar Ministarstva.
- (3) Kriteriji za utvrđivanje visine pojedinačnih iznosa sredstava koji se odobravaju udruženjima su:
 - a) brojnost općinskih organizacija - članica kantonalnih saveza/udruženja;
 - b) utvrđene programske aktivnosti za tekuću kalendarsku godinu (redovne i posebne);
 - c) realizacija aktivnosti i pravdanje utroška odobrenih sredstava u prethodnoj godini.

Član 4.

(Finansiranje aktivnosti)

- (1) Iznos sredstava za potrebe redovnog mjesečnog finansiranja rada udruženja iz člana 1. ove Odluke, utvrđuje se odlukom koju donosi ministar Ministarstva, a u skladu sa pravilnikom iz člana 3. stav (2) ove Odluke.
- (2) Finansiranje posebnih aktivnosti udruženja iz člana 1. ove Odluke vrši se u skladu sa Programom utroška sredstava Ministarstva, a kojim se utvrđuje visina, način utroška i pravdanje odobrenih sredstava.
- (3) Sredstva za realizaciju ove Odluke osiguravaju se u Budžetu Kantona na budžetskoj stavci Ministarstva za boračka pitanja (u daljnjem tekstu: Ministarstvo) u skladu sa prilivom sredstava.

Član 5.**(Obustava finansiranja)**

Odlukom ministra Ministarstva izvršit će se privremeno ili trajno obustavljanje finansiranja rada udruženja iz člana 2. ove Odluke, u slučajevima:

- a) nedostavljanja završnog računa za rad u prethodnoj godini, ovjerenog od strane nadležne institucije (Porezna uprava),
- b) nenamjenskog utroška sredstava odobrenih za redovne i posebne aktivnosti,
- c) proteka dvostruko više vremena od vremena utvrđenog statutom udruženja za održavanje skupštine, a ista nije održana,
- d) ukoliko se broj članova udruženja smanji ispod broja utvrđenog zakonskim propisima,
- e) u svim ostalim slučajevima utvrđenim važećim propisima iz oblasti rada udruženja i fondacija.

Član 6.**(Evidencija)**

Elektronsku evidenciju o korištenju prava po ovoj Odluci vodi Ministarstvo, po obrascu kojeg propisuje ministar Ministarstva u roku od osam dana od dana stupanja na snagu ove Odluke.

Član 7.**(Stavljanje Odluke van snage)**

Danom stupanja na snagu ove Odluke prestaje važiti Odluka o finansiranju rada kantonalnih udruženja branilaca i članova njihovih porodica ("Službene novine Zeničko-dobojskog kantona" broj 4/14 i 15/20).

Član 8.**(Stupanje na snagu i objavljivanje Odluke)**

Odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 02-11-21581/24
Datum, 31.12.2024. godine
Zenica

P R E M I J E R
po ovlaštenju

Mirza Mušija, s.r.

40.

Na osnovu člana 16. stav (2) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i Programa utroška sredstava planiranih Budžetom Zeničko-dobojskog kantona za 2024. godinu, u razdjelu 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2024. godinu, broj: 02-11-1831/24 od 29.01.2024. godine, broj: 02-11-6495/24 od 29.03.2024. godine, broj: 02-11-13114/24 od 19.07.2024. godine, broj: 02-11-15066/24 od 30.08.2024. godine, broj: 02-11-16090/24 od 20.09.2024. godine, broj: 02-11-17523/24 od 18.10.2024. godine, broj: 02-11-21152/24 od 20.12.2024. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 3. vanrednoj sjednici, održanoj dana 31.12.2024. godine, donosi

O D L U K U**o sufinansiranju projekta „Izgradnja pomoćnog objekta za potrebe parohijana crkve Svetih apostola Petra i Pavla u Kaknju“****Član 1.****(Predmet)**

Odobravaju se Srpskoj pravoslavnoj crkvenoj općini u Kaknju, novčana sredstva u iznosu od 20.539,00 KM (slovima: dvadesethiljadapetstotinatridesetdevet konvertibilnih maraka) na ime sufinansiranja projekata „Izgradnja pomoćnog objekta za potrebe parohijana crkve Svetih apostola Petra i Pavla u Kaknju“.

Član 2.**(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona", broj: 21/23, 12/24 i 24/24), razdjel 20-Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615100, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.